

CONTRARIVM.

Neue Tücke brauch ich
 Nichts Ehrlichß handel ich
 Drumb all Euangelisch widder mich
 Ein Schelm vnd Bößwicht bleib ich.

II.

Warhafftige zeitung wie
 der Churfurst zu Sachsen 2c. vnd
 Landtgraff zu Hessen 2c.
 das schloß Wolffenbüttel
 erobert haben.

1542.

(Wappen des Landgrafen von Hessen. 1 Bogen 40. Rückseite des Titels
 und letztes Blatt leer. Im Besitze des Hrn. Prof. Henke in Berlin,
 Nr. 3216. — b: Wolff, histor. Volkslieder 1830. S. 115 ff. nach einer
 andern Ausgabe.)

Bruoder Beyts Landknechts im
 Lager Vor Wolffenbüttel,
 Trewliche warnung.

Der Got der himel vnd erden mechtig ist,
 Hat sein macht beweyset zuo dieser Frist.
 Dem sey allein lob vnd preiß in ewigkeit,
 Der ye den seinen zuo helffen alweg bereit,
 Hat hetz den löblichen Fursten, Sachsen vnd Hessen, zu gleich
 Die von Fürstlichen tugent hoch begabt, vnd tugentreich,
 Wolffenpüttel des vntrewen von Braunschwehg festung vnd macht,
 In jr hend vnd gewalt gantz vnd gar gebracht.
 Vnd ist geschehen den zwelfften Augusti zu mittag,
 Da alles in Wolffenbüttel verzagt darnider lag.
 Dann die nachtigaln, Falcken, vnd Schlangen,
 Hetten etliche tage darfür also angefangen
 Zuo singen, mit erschröcklichen Thonnerlichen thon,
 Das ein heder in Wolffenpüttel gewünscht, er were daruon.
 Vnd weyl sie sich dann keiner hilff zuouertrösten gewust,
 Vnd darzuo verfloffen ward die zeyt, vnd frist